

玉函山房輯佚書

04  
716  
3464

玉函山房輯佚書目

經編尚書類

今文尚書一卷

古文尚書三卷

尚書歐陽章句一卷

漢歐建和伯

尚書大夏侯章句一卷

漢夏侯勝

尚書小夏侯章句一卷

漢夏侯建

尚書古文訓一卷

漢賈逵

本疏

尚書馬氏傳四卷

漢馬融

尚書王氏注二卷 魏王肅

集注尚書一卷 晉李暉

古文尚書音一卷 晉徐邈

尚書舜典注一卷 晉范甯

尚書劉氏義疏一卷 隋劉焯

尚書述義一卷 隋劉炫

尚書顧氏疏一卷 隋顧彪

尚書逸篇一卷

今文尙書

虞夏書

尙書大傳首題虞夏傳

堯典

放勛欽明文塞晏晏

後漢書馮衍傳章懷太子注又第五倫傳注陳寵傳注引尙書

考靈耀並同郅壽傳塞晏之化魏受禪表欽明文

塞段氏玉裁古文尙書撰異曰凡緯書皆出於漢

書緯亦皆襲今文尙書又曰按漢人多稱引歐陽

夏侯尙書而歐陽夏侯尙書永嘉後既亡則不能

指其所出如文塞晏晏唐人第以為出

考靈耀不知作緯者亦用今文尙書也

橫被四表

漢書王莽傳昔唐堯橫被四表王褒傳化

年詔橫被四表昭格上下崔駰傳聖德滂以橫被

兮班固傳橫被六合張衡東京賦惠風橫被段氏

今文尙書

玉裁曰此皆用  
今文尙書也

克明俊德以親九族  
漢書平當傳昔帝堯南面而治  
克明俊德以親九族而化及萬  
國

辨章百姓

司馬貞史記索隱便章古文尙書作平今  
文尙書作辨詩采菽正義堯典平章百姓

書傳作辨章後漢書劉愷傳班固典  
引答賓戲東觀漢紀並用辨章字

協和萬國

漢書地理志王充論衡增藝  
篇引尙書並作協和萬國

黎民於蕃時雍

漢書成帝紀  
引書作蕃

敬授民時

史記五帝本紀漢書藝文志律歷志食貨  
志李尋傳王莽傳漢孫叔敖碑並作民時

宅禹鐵

司馬貞史記索隱峒夷今文尙書及帝俞  
並作禹鐵書正義夏侯等書宅峒夷爲宅峒

鐵

辯秩東作

司馬貞史記索隱引尚書大傳曰辯秩東作周禮馮相氏鄭元注辯秩東作辯秩南

偽辯秩西成辯在朔易應劭風俗通祀典篇引青史子說亦作辯章東作

辯秩南偽

周禮馮相氏注。漢書王莽傳南巡以勸南偽

分命和仲度西曰柳穀

周禮縫人注正義曰是濟南伏生書

奠餞入曰辯秩西成

尚書大傳。周禮馮相氏注引下句

辯在伏物

司馬貞索隱引尚書大傳作便在伏物今大傳作辯在朔易應是後人據鄭注改之

史記五帝本記辯皆作便便辯古通用

共工旁速屏功

許慎說文解字人部引虞書方救係功又定部引虞書旁速屏功段氏曰

方鳩孱功古文尙書旁  
速孱功今文尙書也

放命圯族漢書王商師丹傳喜傳薛宣朱博傳並作放命圯族

踐朕位史記五帝本紀

鄙德忝帝位同上

有鰥在下曰虞舜

舜生姚墟應劭風俗通義皇霸篇引書曰有鰥在下曰虞舜又山澤篇云謹按尙書舜生

姚墟段氏曰此今文尙書說也當在虞舜下

帝曰欽哉慎徽五典按今文尙書無舜典篇慎徽五典接帝曰欽哉曰若稽古二十

八字後人所加

烈風雷雨不迷

尚書大傳漢書王莽傳論衡正說篇並作不迷

舜讓於德不怡

史記五帝本紀裴駟集解徐廣曰今文尚書作不怡

正月上日受終於文祖在璇機玉衡以齊七政

史記五帝

本紀

遂類于上帝

周禮秋官大行人注史記五帝本紀封禪書漢書王莽傳並引作遂

湮于六宗

尚書大傳作湮

望秩于山川班于羣神

司馬彪續漢書祭祀志光武封泰山刻石文望下有秩字

徧作班漢書王莽傳引亦有秩字

揖五瑞擇吉月日見四嶽諸牧班瑞

史記五帝本紀封禪書漢書郊



祀志  
並同

遂觀東后

馬禮大行人注史記五帝本紀封禪書漢書郊祀志後漢書律歷志元和二年詔自

虎通巡狩篇何休春秋公羊傳隱八年注風俗通義山澤篇皆作遂

叶時月正日

白虎通及漢永和二年詔皆作叶

修五禮五樂三帛二牲一死贄

漢書郊祀志作五樂三帛二牲司馬彪祭

祀志亦作二牲

十有一月朔巡守至於北嶽如西禮還至嵩如初禮

何休春秋公羊傳隱八年注多還至嵩如初禮六字段氏曰蓋亦今文家說

歸假於禰祖用特

何休春秋公羊傳隱八年注白虎通巡狩篇並作禰祖

明試以功正服以庸

白虎通巡狩篇引尚書大傳作正服

封十有二山兆十有二州濟川

尚書大傳

惟刑之謚哉

徐廣史記音義引今文

二十有八載放勳乃殂落百姓如喪考妣四海之內

闕密八音三年

董仲舒春秋繁露煖燠孰多篇引尚書焦氏循孟子音義孟子董子所稱

者皆今文尚書也

辟四門明四目

史記五帝本紀漢書梅福傳並作辟

通四聰

史記五帝本紀作通段氏曰今文尚書也

蠻夷帥服

漢書景武昭元成功臣侯表引書作帥

黎民祖飢

徐廣史記音義引今文尙書

百姓不親五品不訓汝爲司徒而敬敷五教五教在

寬

史記殷本紀○尙書大傳亦作不訓司馬彪禮儀志注丁孚漢儀夏勤策文後漢書鄧禹傳袁宏後

漢紀並作敬敷五教五教在寬段氏曰此皆用今文尙書也

蠻夷滑夏寇賊姦宄

尙書大傳引作滑

女作士師

高誘呂氏春秋君守篇注有師字

五流有度五度三居

史記五帝本紀

讓子朱斯暨柏譽

漢書古今人表第二等朱斯柏譽段氏曰此今文尙書也

帝曰俞咨爾伯

白虎通王者不臣篇引尙書有爾字

夙夜出入朕命

史記五帝本紀百官公卿表並作出入

三載攷績三攷黜陟

白虎通黜陟篇

舜生三十

句

徵庸二十

句

在位五十載陟方乃死

書正

義鄭元讀此經之舜生三十謂生三十年也登庸二十謂歷試二十年在位五十載陟方乃死謂攝位至死為五十年舜年一百歲也段氏曰三十在位今文尚書作二十鄭君用今文注古文

臯陶謨

庶明高翼

史記夏本紀厲作高

禹拜讜言

趙岐孟子注引尚書作讜班固西都賦讜言宏說李善注引字林讜言美言也音黨

段氏曰孟堅蓋亦用今文尚書耳

知人則愜能官人

漢書五行志引書作愜

惟帝難之

論衡定賢篇答佞篇引書並曰知人則愜惟帝難之是應篇引經同

何憂驩堯何遷有苗

淮南子秦族訓引書無兩乎字

亦言其有德

史記夏本紀無人字

愿而共

史記夏本紀作共段氏曰今文尚書作愿而共

夙夜翊明有家

史記夏本紀作翊明華嚴經音義引大傳作翊翊輔也

九德咸事俊艾在官

漢書谷永傳引經

無敖佚欲有國兢兢業業一日二日萬機

漢書王嘉傳段氏曰

此今文尚書也

天功人其代之

漢書律歷志引書

天命有德五服五章哉

尚書大傳

天討有罪五刑五庸哉

後漢書梁統傳作五庸

朕言惠可底行

白虎通聖人篇

予思日孳孳

史記夏本紀

陸行乘車水行乘舟泥行乘橇山行乘樁

史記夏本紀又河渠

書引夏書陸行載車水行載舟泥行蹈毳山行即橋漢書溝洫志引夏人陸行載車水行載舟泥行

乘橇山行則榻

行山乘木

史記夏本紀

暨益奏庶稻鮮食

史記夏本紀與益予衆庶稻鮮食  
段氏曰此經鮮食今文尚書作稻

食而稱鮮食  
之鮮字悞多

貿遷有無化居

王天與尚書纂傳吳澄尚書  
纂言皆云伏生大傳作貿遷

烝民乃立

史記夏本紀粒作定段氏曰蓋  
今文尚書粒作立而以訓之

萬國作父

漢書食貨  
志作父

其弼憲

史記夏本紀作輔德段氏曰必  
是今文尚書作弼德德從憲

天下大應清意

史記夏本紀段氏  
曰此今文尚書也

山龍華蟲作繪宗彝璫火

尚書  
大傳

爾繡

尚書正義引尚書鄭注云希讀為  
繡蓋古文作希鄭以今文讀之也

予欲聞六律五聲八音七始詠以出內五言女聽

漢書

律歷志引書作七始詠隋書律歷志又作七始訓  
按尚書大傳定以六律五聲八音七始箸其素漢  
志所引確為今文史記夏本紀作來始滑司馬貞  
索隱曰古文尚書作在治忽今文尚書作采政忽  
楊慎丹鉛總錄曰史記來字乃黍字之誤段氏曰  
尚書大傳唐傳曰在璇機玉衡以齊七政七政謂  
春夏秋冬天文地理人道所以為政也道政而萬  
事順成蓋泛言為七政在樂則為七始又曰七字  
古多假黍為之如太元經元攤曰運諸黍政元梲  
曰梲擬之二黍方言曰秦有黍娥之臺王莽候鉦  
銘重五十黍斤楊子黍政蓋用今文尚書史漢同  
引今文而漢志作七夏紀作來來者黍之誤字

萬邦黎儀

漢壽山都尉孔宙碑乃綏二縣黎儀以康

長田君碑安惠黎儀伐討姦軌段氏曰古文尚書  
作黎獻今文尚書作黎儀故漢人襲用以大諱民



獻有十夫尚書大傳作民儀有十夫王莽傳作民儀萬夫知之也王氏引之廣雅疏證說同

維帝時舉傳納巨言

漢書成帝紀鴻嘉二年詔傳納巨言明試巨功又敘傳時舉傳

納

明試以功車服以庸誰能不讓能不敬應

王符潛夫論考績篇

庶作試兩政字並作能漢書成帝紀亦作明試

帝曰毋若丹朱敖維慢游是好

史記夏本紀有帝曰漢書楚元王傳劉向

上奏曰臣聞帝舜戒伯禹毋若丹朱敖論衡遣告篇云舜戒禹曰毋若丹朱敖又問孔篇引尚書曰毋若丹朱敖惟慢游是好謂帝舜勅禹毋子不肖子也重天命恐禹私其子故引丹朱以勅戒之

晝夜鄂鄂

王符潛夫論斷訟篇晝夜鄂鄂慢遊是好孫氏星術曰今文額又作鄂也